

զինաց և ծանօթ լինիլ Օրինաց և կարգաց զինուորութեան խորհրդոյն պաշտօնէի, վերջապէս եթէ ասացից նման սոցայ ունեմ բազում նշաւակ տալոյ ձեզ, որպէս հաւատացեալ եմ որ ոչ սկսանի գործ 'ի Շարժմանէ բնութենէ մերմէ մինչ նախ ոչ տպաւորեսցի 'ի մէջ մտաց մերոց թէ զինչ կամք մեր է գործելոյ, և ոչ որ գործ ձեռաց մերոց ոչ 'ի կատար հասանել կարէ՝ եթէ չիցէ գործեցեալ ըստ կարգի և ըստ սովորութեան սահմանի, ուրեմն ոչ գոյ իր զինչ և իցէ 'ի ներքոյ արեգական 'ի յերեսս երկրի և 'ի մէջ ծովու որ Շարժի մինչ ոչ ունիցի սահմանս Օրինաց. երկայնամիտ լեր ընթերցօղ և նայեա՛ս աշօք և 'ի միտ առ բանականութեամբ և 'ի զօրութենէ հոգւոյ սահմանն յօրինեալ 'ի Տեառնէ արարչէն մերմէ և միայնոյ ճարտարապետէ, թէպէտ ոչ որ զիտաց զկամս նորայ և ոչ որ խորհրդակից նմայ, այլ ինքն միմիայն կատարեալ և անսղապելի ամենափառ և ամենակարող Աստուածն համայնից բարեպէս զիտաց զի սահման 'ի մէջ ստեղծագործութեան իւրոյ հարկաւոր է, որում ետ սահման ընթանալոյ ստեղծուածոց իւրոց 'ի գործ և ոչ անցանէ, այսպէս հարկաւոր է նայիլ քեզ և ճանաչել զանազանութիւն մի ընդ միւսոյն, և հակառակութեան միոյ ընդ զէմ միւսոյն չորս տարերաց, թէ որպիսի ըստ սահմանի համայ յամեատին այս անհաշ-